

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" broj: 12/03, 34/03 i 65/13) i člana 31. i 39. Statuta Javnog preduzeća „Grijanje“ d.o.o. Zenica, Odluke Nadzornog odbora Javnog preduzeća „Grijanje“ d.o.o. Zenica o raspisivanju Javnog oglasa za izbor i imenovanje izvršnog direktora za tehničke poslove kao člana Uprave Javnog preduzeća „Grijanje“ d.o.o. Zenica, broj: 6428/21 od 17.05.2021. godine, Nadzorni odbor Javnog preduzeća „Grijanje“ d.o.o. Zenica, raspisuje:

JAVNI OGLAS

za izbor i imenovanje izvršnog direktora za tehničke poslove
kao člana Uprave Javnog preduzeća „GRIJANJE“ d.o.o. Zenica

Raspisuje se Javni oglas za izbor i imenovanje izvršnog direktora za tehničke poslove kao člana Uprave Javnog preduzeća „GRIJANJE“ d.o.o. Zenica, na mandatni period od 4 (četiri) godine, s mogućnošću ponovnog imenovanja.

I. Opis pozicije

Izvršni direktor za tehničke poslove kao član Uprave nadležan je i odgovoran za:

- organizaciju i vodenje poslovanja Preduzeća,
 - izvještavanje Nadzornog odbora na njegov zahtjev,
 - provođenje Statuta, Etičkog kodeksa i drugih akata Preduzeća,
 - izradu i nadgledanje realizacije planova Preduzeća,
 - osiguranje provođenja propisa za postupak javnih nabavki,
 - izradu kalkulacija cijena i načinu plaćanja isporučene toplotne energije i drugih usluga,
 - zastupanje preduzeća prema trećim licima,
 - donošenje Pravilnika o radu,
 - zapošljavanje i otpuštanje zaposlenika,
 - pripremu prijedloga o raspodjeli dobiti ili pokriću gubitka,
 - staranje i odgovornost za zakonitost rada Preduzeća,
 - implementaciju Etičkog kodeksa u Preduzeću,
 - obzbjedjenje postupanja svih odgovornih lica u skladu sa Etičkim kodeksom tako što će se protiv lica koja krše navedeni kodeks provesti disciplinski postupak,
 - primjenu preporuka Odbora za reviziju,
 - osiguranje uslova za rad Odjela za internu reviziju,
 - donošenje Poslovnika o radu Uprave,
 - druge poslove neophodne za nesmetano odvijanje organizacije i vodenje poslovanja Preduzeća.
- Osim naprijed navedenih nadležnosti i odgovornosti, izvršni direktor za tehničke poslove Javnog preduzeća „Grijanje“ d.o.o. Zenica:
- učestvuje u radu Uprave,
 - organizuje rad tehničkih poslova u Preduzeću,
 - uskladuje tehnička rješenja sa propisima,
 - kordinira rad na distribuciji toplotne energije,
 - izrađuje godišnji plan remonta mreže i TPS,
 - obavlja i druge poslove po nalogu organa upravljanja.

Kandidat koji aplicira za naprijed navedenu poziciju mora ispunjavati opće i posebne uslove.

a) Opći uslovi su:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja ovog javnog oglasa,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“ broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa (Službene novine FBiH broj 70/08);
- da nema privatni i/ili finansijski interes u Preduzeću,
- da nije osuđivan za krivično djelo;
- da se protiv kandidata ne vodi krivični postupak pred nadležnim sudom;
- da nije lice kojem je pravosnažnom odlukom suda zabranjeno obavljanje aktivnosti člana uprave u preduzeću, tri godine od dana pravosnažnosti odluke.

b) Posebni uslovi su:

- da ima VSS - VII stepen stručne spreme, diplomu visokog obrazovanja, odnosno završeno visoko obrazovanje prvog, drugog ili trećeg ciklusa Bolonjskog sistema studiranja, mašinske struke,
- da ima najmanje 3 (tri) godine radnog iskustva u struci nakon sticanja visoke stručne spreme.

II. Potrebni dokumenti

Prijava kandidata treba da sadrži kraću biografiju, adresu i kontakt telefon.

Uz prijavu treba dostaviti slijedeće dokumente (originalne ili ovjerene kopije):

- dokaz o stručnoj spreml,
- dokaz o radnom iskustvu u struci nakon sticanja visoke stručne spreme,
- uvjerenje o državljanstvu BiH, ne starije od 3 (tri) mjeseca ili ovjerena kopija CIPS-ove lične karte.

- ovjereni izvještaji o činjenicama navedenim u alinejama od 3. do 8. Općih uslova.

Pored naprijed navedene dokumentacije, kandidat koji bude izabran na poziciju izvršnog direktora za tehničke poslove dužan je dostaviti i sljedeću dokumentaciju:

- uvjerenje da se ne vodi krivični postupak od kantonalnog suda (ne starije od tri mjeseca),
- uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata (ne starije od tri mjeseca).
- uvjerenje/potvrda da kandidat nije osuđivan za krivično djelo od nadležnog MUP-a (ne starije od 3 mjeseca).

Podnosioci prijave koji uđu u uži izbor bit će pozvani na intervju.

Javni oglas ostaje otvoren 15 dana od dana objavljivanja u „Službenim novinama Federacije BiH“.

Prijave sa potrebnom dokumentacijom treba dostaviti lično ili preporučenom poštom sa naznakom i na adresu:

**„PRIJAVA NA JAVNI OGLAS
ZA IZBOR I IMENOVANJE IZVRŠNOG DIREKTORA ZA TEHNIČKE POSLOVE- NE OTVARATI“**

**JAVNO PREDUZEĆE „GRIJANJE“ D.O.O. ZENICA
ZA NADZORNI ODBOR
Ul. Bilmišće br. 107,
72 000 ZENICA**

Nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.